

21.12.2020թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 443657/09

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով 21.12.2020թ. թիվ 36626 վարչական իրավախախտման վերաբերյալ արձանագրությունը և կից նյութերը,

ՊԱՐԶԵՑԻ

Անհատ ձեռնարկատեր Տարոն Խալաթյանը (ՀՀՀՀ՝ 49598326, հասցե՝ Արարատի մարզ, Մերձավան, Երևանյան խճուղ. 3 նրբ. 1) ՀՀ հարկային օրենսգրքի 261-րդ հոդվածի 1-ին մասով սահմանված ժամկետում հարկային մարմին չի ներկայացրել 2020թ.-ի 3-րդ եռամսյակի շրջանառության հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Կողմին հայտնաբերելու նպատակով ձեռնարկվել են համապատասխան միջոցառումներ: Ակտի հասցեատերը ներկայացրել է դիմում առ այն, որ երկրում ստեղծված պատերազմական իրավիճակից ելնելով իրենց կազմակերպության գործունեությունը փոքր ինչ կաթվածահար վիճակում էր գտնվում, հետևաբար 3-րդ եռամսյակի շրջանառության հարկի հաշվարկը ներկայացվել է 2 օր ուշացումով:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Տարոն Խալաթյանի կողմից 2020թ.-ի 3-րդ եռամսյակի շրջանառության հարկի հաշվարկը ներկայացվել է ՀՀ հարկային օրենսգրքի 261-րդ հոդվածի 1-ին մասով սահմանված ժամկետից ուշ՝ 22.10.2020թ.-ին, որից առաջացած հարկի գումարը մարվել է 23.10.2020թ.-ին:

Հաշվի առնելով վերոգրյալը և նկատի ունենալով, որ 2020թ.-ի 3-րդ եռամսյակի շրջանառության հարկի հաշվարկը ներկայացվել է և վարչական իրավախախտումը նվազ նշանակություն ունի, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով,

ՈՐՈՇԵՑԻ

1. Տարոն Խալաթյանին ազատել վարչական պատասխանատվությունից և հայտարարել բանավոր դիտողություն:
2. Տարոն Խալաթյանի վերաբերյալ հարուցված թիվ _____ վարչական վարույթը կարժել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: